

# INUIT ATAQATIGIIT INATSISARTUNI



1. marts 2024

UKA2024/48

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Nunatsinni piniartut aalisartullu piniakkanut aalisakkanullu ilisimasaasa katersorneqartalernissaat ilisimasaallu ilisimatusarnikkut atornerarlutillu nalilersuutaasarnissaat siunertaralugu Pinngortitaleriffik pillugu inatsisartut inatsisissaata<sup>1</sup> nutarterneqarnissaannik Naalakkersuisut peqquneqassasut Inatsisartut aaliangiiffigisassaattut suinnersuussut. Inatsit nutartigaq UPA2025-mi saqqummiunneqassaaq.**

(Inatsisartunut ilaasorta q Mikivsuk Thomassen, Inuit Ataqatigiit)

## Tungavilersuut:

Inuusaatsikkut ilisimasagut aamma ilitsoqqussaralugu kingornussagut inuiattut attatiinnarnissaat pingaaruteqarpoq. Taamatuttaaq aamma ippuut aalisarnikkut piniarnermullu tunngasutigut ilisimasagut.

Piniartut aalisartut piniakkaminnik ilisimasaminnik ukioq kaajallugu katersiffigisinnaasaannik peqalertariaqarpoq, piniakkaminnut ilisimasaqarluartut allatigulu silap pissussaannik annertuumik ilisimasaqarnerat illersorniarlugu atorluarniarlugulu ilisimasannik katersuinissaq pisariaqarpoq.

Inatsisartut Pinngortitaleriffik pillugu Inatsisartut inatsisissaat<sup>2</sup> qiviaraanni annertuumik nunat killiit ilisimatusariaasiannik, ilisimatuussutsikkut suleriaatsinik aallaaveqarluni ingerlatsivoq. Imminermini tamanna ajunngilaq, matumanili ilisimatusarneq piniartut aalisartullu ilisimasaannik amingaateqarnermigut tutsuigisassusaa innuttaasunit apeqquuserneqartuarnera tusartarsaajuarpog. Ilisimatusariaatsit nutaanngoriartorput. Ilisimatusariaatsimi malitassaasut naliginnaasut (akademiske principper) atorlugit aammalu ilisimatusarfigisat misissukkap aallartinneraniit peqatigalugit aammalu inuusaatsikkut kingornussaasut (Traditional knowledge) eqqumaffigalugit ilisimatuarnert maanna ineriartortinneqaleruttorput. Paasisariaqarparpummi ilisimatuutut sulineq aamma atuisut ilisimasaat imminut aporaattuunatik naligiimmik ilisimasassannik annernik takussutissiisinnangorsinnaasut.

Pinngortitaleriffik pillugu Inatsisartut inatsisissaata aallanngortinneqarnissaa siunertaasariaqarpoq.

Pinngortitamik atuisut, piniartut aalisartullu ilisimasaat naligiimmik atorlugit siunnersuineq ilisimasannillu siammarterineq ingerlasariaqartoq Inuit Ataqatigiinniit isumaqarpugut.

<sup>1</sup> [Itl 06 1994 \(nalunaarutit.gl\)](#)

<sup>2</sup> [Itl 06 1994 \(nalunaarutit.gl\)](#)

Inatsimmik nutarterinikkut suleriaatsit ersarissarnerisigut piniartut aalisarullu pisassiisarnermi ilisimasaat ilanngullugit nalilersuutitut atorneqarsinnaasunngorlugit suliarineqarsinnaapput. Assersuutigalgu suleriaatsini kisitsisarnerit kisimik nalunaarsuinermi atorneqartarnerat ilisimatusarnerup inuiaqatigiinnut tutsuiginassusaanut sanngeequteqartitsererput, taamaammat nunami maani inuussutissarsiutigalugu atuisuusut peqataatinneqarnerunissaat pingaaruteqarpoq atorluartariaqarlunilu.

Ilisimasat innuttaasunut tamanut ilivitsuusumik isiginnittumik (holitsisk analyse) ingerlanneqalerpata piniartunut, aalisartunut ilisimatuunullu iluaqutaasinnaanngorlugi pilersitsisoqassaaq; tamanna siunissaq eqqarsaatigalugu pitsaanerulersitsissaaq.

Partiit tamassuminnga suleqatiseraassi; nunatsinni inuussutissarsiutit annerpaartaannik inuussutissarsiuteqartut ilisimasaat atorluarumallugit ilisimasanik katersivimmik pilersitsinissamut peqatigiittariaqarpugut.

**Pisortanut aningaasatigut allaffissornikkullu kingunerisassai:**

AC fuldmætig ukiup ilivitsup suligasuarneranik, 500.000 koruuniinik, naleqassaaq.

**Namminersortunut aningaasaatigut allaffissornikkullu kingunerisassai:**

Soqanngilaq

**Innuttaasunut aningaasatigut allaffissornikkullu kingunerisassai:**

Soqanngilaq